



# DECRETUM

## SALUBERRIMÆ FACULTATIS PARISIENSIS.



**A**NNO Domini millesimo septingen-  
tesimo trigesimo-quinto die Sabbati  
quinto Februarii convocata fuit Facultas,  
horâ decimâ matutinâ, post Sacrum, audi-  
tura relationem Clarissimorum Virorum,  
qui examinandis M. HYAC. THEOD. BARON  
Exdecani commentariis & rationibus, anni  
ultimi, posterioris ipsius Decanatûs, præ-  
positi fuere; & de aliis rebus ad Facultatem  
pertinentibus deliberatura.

In his Comitiis Decanus, Statutorum  
assertor, saluberrimum ordinem his verbis  
allocutus est. Nuper mihi relatum est  
Doctores aliquot iratos Bidello, in ultima  
Thesi quodlibetaria die Jovis tertio Februa-  
rii, disputante M. Josepho de Jussieu; ob-  
murmurasse, quod Bidellus non sineret ipsos  
chirographum Catalogo apponere, statim

atque acceſſerunt: quaſi honorarii cauſa tantummodo accederent ! id fateor v. m. p. meo juſſu factum eſt. Quoniam Theſes veſtræ probatoriæ ſunt, & de Reſpondente quem non audiverunt, Doctores ferre judicium, ſchedulam in ſcrutinii capſam mitterentes, iniquum mihi viſum eſt: & præterea id jam à vobis antea definitum fuerat, articulo octavo novorum Statutorum, Curiae placito anni 1696, firmatorum. Sic autem ſe habet 8<sup>us</sup> ille articulus.

*Doctores cum veſte talari & manicata, pileo quadrato, humerali coccino & modoſto, qualis eſt togatorum, colli amictu, interiores inferiorum Scholarum cancelli dumtaxat pateant, atque hoc ornatu, Baccalaureorum actibus ſedentes immorentur, de eorum eruditione judicium laturi, ibidemque in oblato Catalogo datâ ſuſcriptione præſentiae ſuae teſtimonium exhibeant, alioquin ſi in diebus actuum extra laudatos aulae interioris limites inſcribendæ ſyngraphæ copiam à Bidellis obtinuiſſe conſtet, illi jure ſuffragii priventur, hi verò plectentur pecuniae ſumma ad arbitrium Facultatis.*

Postulo igitur à vobis ut vi hujus Sta-

tuti, Mandatum nostrum ratum habeatis  
& decreto vestro confirmetis, deinceps ab  
omnibus observandum, sub pœnâ in dicto  
articulo expressâ. Quibus auditis & roga-  
tis sententiis, Facultas Statutorum suorum  
tenacissima, unanimi consensu, ratum ha-  
buit Decani Mandatum; censuitque octa-  
vum articulum novorum Statutorum, su-  
pra memoratum, deinceps stricte ab omni-  
bus observandum esse: atque hoc Decre-  
tum typis mandandum ac unicuique Do-  
ctori distribuendum, ut omnibus innotescat  
saluberrimum ordinem, Statutorum suorum  
observantissimum esse, & sic conclusit.

*R E N E A U M E, Decanus.*